

A CORUÑA CULTURA

O espectáculo 'A Maxia de Europa' de EUROPE DIRECT A Coruña leva a seis concellos da provincia os valores, símbolos e oportunidades da UE

POR REDACCIÓN A CORUÑA | PUBLICADO 06/05/2024

COMPARTIR



A función poderá verse durante o mes de maio en Rianxo, Carral, Vedra, A Laracha, Pontedeume e Narón. Xogos, trucos, ilusión, humor e información europea se reúnen nesta actividade para todos os públicos



EUROPE DIRECT A Coruña organiza unha actividade lúdica e máxica que levará durante o mes de maio os valores, símbolos e oportunidades da Unión Europea a **seis concellos da provincia** adheridos á rede Europa no teu Concello. O espectáculo itinerante 'A Maxia de Europa' percorrerá Rianxo, Carral, Vedra, A Laracha, Pontedeume e Narón entre o 7 e o 15 de maio como parte da conmemoración do Día de Europa, que se celebra o 9 deste mes.

'A Maxia de Europa' reúne xogos, trucos, ilusións e humor para realizar unha viaxe máxica e dinámica para maiores e pequenos a través dos valores, símbolos, beneficios e algún dos programas da Unión Europea. O público asistente poderá seguir os trucos de maxia realizados coas bandeiras europea e dos estados membro ou a moeda común, entre outros elementos.

O espectáculo estará guiado polo mago Pedro Bugarín, un ilusionista con máis de 15 anos de experiencia no seu eido e que tamén ten vivido múltiples experiencias de mobilidade en Europa. Toda a información dispoñible está recollida na páxina:

<https://www.dacoruna.gal/europedirect/europe-direct-coruna/agenda/2024/la-magia-de-europa/>

Este espectáculo itinerante forma parte da programación que **Europa no teu Concello** ofrece aos membros da rede. EUROPE DIRECT A Coruña puxo en marcha esta iniciativa, da que xa forman parte 46 concellos, para aproximar a información sobre a Unión Europea a toda a cidadanía da provincia, en especial, da mocidade.

EUROPE DIRECT A Coruña é un centro de información oficial da Comisión Europea que pertence á Deputación da Coruña. A misión do centro, que iniciou a súa traxectoria no ano 1996, é traballar coa cidadanía, os medios de comunicación e as entidades locais cos obxectivos de implicar á poboación en temas europeos, así como proporcionar contidos sobre as políticas e as prioridades da UE. Tamén axudar á Comisión Europea a adquirir unha visión xeral das sensibilidades locais relacionadas coas súas políticas e promover a cidadanía europea activa nas escolas.

Comparte este artículo

FACEBOOK

TWITTER

WhatsApp

in

Telegram

Link



ESCRIBE TU COMENTARIO

Noticias relacionadas



CULTURA MONDARIZ PONTEVEDRA

El Centro Gallego en Salamanca abre su programa de las Letras Gallegas con la historia del Balneario de Mondariz



CULTURA TEATRO

Talía Teatro organiza unha función solidaria por Palestina



A CORUÑA MÚSICA

Christian McBride, gañador de oito premios Grammy, entre os protagonistas do Festival Internacional +QJazz, que volve á Coruña



A CORUÑA CULTURA

A Coruña, escenario central das celebracións das Letras Galegas 2024, en homenaxe a Luísa Villalta



CARGAR MAS



21NOTICIAS

Todo Local / Noticias de Braxil / Noticias de Coruña

CONTACTO 21NOTICIAS

redaccion@21noticias.com
publicidad@21noticias.com

SÍGUENOS

